

Registar srednjih škola pod brojem 25.na stranici 63. što se dokazuje Rješenjem broj: 05-02-40-581/15 od 27.marta 2015.godine i može obavljati odgojno – obrazovni proces u skladu s odgovarajućim nastavnim planovima i programima za sljedeća područja rada, zvanja i zanimanja:

32.(1) gimnazija: opća gimnazija, filološka gimnazija, matematičko-informatička gimnazija

32.(2) ekonomija i trgovina (IV.stepen): ekonomski tehničar

32.(3) ekonomija i trgovin (III.stepen): trgovac

32.(4) ugostiteljstvo i turizam (III.stepen): konobar, kuhar

32.(5) zdravstvo (IV.stepen): medicinska sestra-tehničar, akušersko-ginekološka sestra-tehničar, farmaceutski tehničar, laboratorijski tehničar, fizioterapeutski tehničar, zubni tehničar, stomatološka sestra-tehničar

II.

Srednje škole iz ovoga Popisa stekle su status verifikovanih (pravno priznatih) srednjih škola i imaju ovlasti izdavati propisane obrazovne isprave u skladu s odgovarajućim nastavnim planovima i programima.

III.

Stupanjem na snagu ovog Popisa prestaju važiti svi ranije doneseni i objavljeni popisi verifikovanih srednjih škola Kantona.

IV.

Ovaj Popis stupa na snagu danom objavljivanja u „Službenim novinama HNK“.

Bosna i Hercegovina
Federacija Bosne i Hercegovine
Hercegovačko- neretvanski kanton
Ministarstvo obrazovanja, nauke, kulture i sporta

Broj: 05-01-40-225/17
Mostar, 27. januar 2017. godine

MINISTAR
dr.sc.Rašid Hadžović s.r.

ZAVOD ZDRAVSTVENOG OSIGURANJA

77

Na osnovu člana 47.stav 3., člana 57. stav 3. i člana 60. stav 3. Zakona o zdravstvenom osiguranju („Službene novine Federacije Bosne i Hercegovine”, broj 30/97, 07/02, 70/08 i 48/11) i člana 22. Statuta Zavoda zdravstvenog osiguranja Hercegovačko-neretvanskog kantona („Narodne novine Hercegovačko-neretvanskog kantona”, broj 02/04), Upravni odbor Zavoda zdravstvenog osiguranja Hercegovačko-neretvanskog kantona na **31. sjednici** održanoj dana **20.12.2016.** godine d o n o s i

PRAVILNIK

O REFUNDACIJI NAKNADE PLATE ZA VRIJEME PRIVREMENE SPRIJEČENOSTI ZA RAD NA TERET ZAVODA ZDRAVSTVENOG OSIGURANJA HERCEGOVAČKO-NERETVANSKOG KANTONA

I Opšte odredbe

Član 1.

Ovim Pravilnikom se utvrđuju uslovi, način i postupak ostvarivanja prava na naknadu plate, visina, najviši i najniži iznos naknade, koja se isplaćuje na teret Zavoda zdravstvenog osiguranja Hercegovačko-neretvanskog kantona (u daljem tekstu: Zavod).

Član 2.

Pojmovi koji se koriste u ovom Pravilniku imaju sljedeće značenje:

1. Privremena spriječenost za rad, podrazumijeva odsustvovanje sa posla radnika - osiguranika, zbog određenih pojava vezanih za zdravstveno stanje radnika - bolesti, povrede, nesreće na poslu, njege oboljelog člana porodice ili pratnje oboljelog.
2. Osiguranik je svako uposleno lice koje je u skladu sa Zakonom o zdravstvenom osiguranju („Službene novine Federacije BiH”, br. 30/97, 7/02, 70/08 i 48/11) ostvarilo pravo na obavezno zdravstveno osiguranje.

Pravo na naknadu plate iz člana 1. ovog Pravilnika ostvaruje osiguranik koji je privremeno spriječen za rad, ukoliko je privremena spriječenost za rad utvrđena pod uslovima i na način utvrđen Zakonom o zdravstvenom osiguranju Federacije BiH (u daljem tekstu: Zakon), važećim Pravilnikom o postupku i

kriterijima za utvrđivanje privremene spriječenosti za rad zbog bolesti, povrede ili drugih okolnosti FBIH, kao i odredbama ovog Pravilnika.

II Uslovi, način, postupak ostvarivanja prava na naknadu plate i rokovi za podnošenje zahtjeva za refundaciju

Član 3.

Naknadu plate iz člana 42. tač. 1. i 2. Zakona obračunava i isplaćuje osiguraniku na teret svojih sredstava:

1. pravno ili fizičko lice za prvih 42 dana bolovanja, kao i za vrijeme dok se osiguranik nalazi na radu u inostranstvu na koje ga je uputilo pravno ili fizičko lice,

2. preduzeće za profesionalnu rehabilitaciju i zapošljavanje invalida, odnosno pravno ili fizičko lice za rad osiguranika invalida za prvih sedam dana bolovanja.

Visinu naknade plate iz stava 1. ovog člana utvrđuje opštim aktom nadležni organ pravnog, odnosno fizičkog lica.

Naknada plate u vezi sa korištenjem zdravstvene zaštite iz člana 42. tač. 3. do 5. Zakona isplaćuje se osiguraniku na teret sredstava Zavoda od prvog dana korištenja prava.

Naknadu plate iz stava 1. ovog člana obračunava i isplaćuje pravno odnosno fizičko lice i istekom 42 dana, odnosno 7 (sedam dana), s tim da je Zavod obavezan vratiti isplaćenu naknadu u roku od 45 dana od dana prijema zahtjeva za povrat.

Član 4.

Naknadu plate zbog povrede na radu ili oboljenja od profesionalne bolesti obračunava i isplaćuje iz svojih sredstava pravno, odnosno fizičko lice kod kojeg je isti zaposlen, sve dok osiguranik nije radno sposoban, odnosno do pravosnažnosti odluke nadležnog organa o utvrđivanju invalidnosti osiguranika, osim u slučaju stečajnog postupka kada naknadu isplaćuje Zavod.

Član 5.

Osnovicu za naknadu plate čini plata osiguranika, umanjena za zakonom propisane doprinose iz osnovice, a koja je isplaćena osiguraniku u mjesecu koji je prethodio mjesecu u kojem je nastupila privremena spriječenost za rad.

Osnovica za obračun naknade plate za vrijeme privremene spriječenosti za rad utvrđuje se kao satna, osim u slučajevima kada je poslodavac za mjesec koji prethodi mjesecu u kojem je nastupila privremena spriječenost za rad, izvršio isplatu najniže plate ili

isplatio doprinose na propisanu osnovicu (Samostalne djelatnosti, rudnici uglja, tekstilna, kožna, industrija obuće i nisko akumulativne djelatnosti tradicionalnih esnafskih zanata).

Osiguraniku koji obavlja obrtničku djelatnost, samostalnu djelatnost u poljoprivredi i šumarstvu, ili samostalno, u obliku zanimanja obavlja profesionalnu djelatnost, za utvrđivanje osnovice za novčanu naknadu uzima se mjesečna osnovica na koju je izvršen obračun i uplata doprinosa za obavezno zdravstveno osiguranje, umanjena za zakonom propisane doprinose iz osnovice, za mjesec koji prethodi mjesecu u kojem je nastupio slučaj na temelju kojeg se stiče pravo na naknadu. Ovu osnovicu utvrđuje i objavljuje Federalno ministarstvo finansija za svaku kalendarsku godinu, na način da se prosječna plata (umanjena za zakonom propisane doprinose iz osnovice) ostvarena u razdoblju 1-9 mjeseci prethodne godine množi sa određenim koeficijentom složenosti od 0,25 do 1,1.

Član 6.

Ako u mjesecu koji je prethodio mjesecu u kojem je nastupila privremena spriječenost za rad, osiguranik nije ostvario platu, kao osnovica za naknadu se uzima prosječna plata na nivou kantona/županije za odgovarajući mjesec.

Član 7.

Utvrđena osnovica se valorizuje ako je osiguranik dulje od tri mjeseca neprekidno privremeno spriječen za rad i ako je prosječna plata kod pravnog ili fizičkog lica kod koga je osiguranik uposlen, porasla za više od 5%.

Valorizovana osnovica pripada osiguraniku od prvog dana idućeg mjeseca po isteku tri mjeseca neprekidnog korištenja naknade plate, ako je ispunjen uslov za povećanje naknade.

Član 8.

Naknada plate se obračunava u visini od 80% od osnovice za naknadu plate u slučajevima privremene spriječenosti za rad, kada ta naknada tereti sredstva obaveznog zdravstvenog osiguranja, izuzev u slučajevima predviđenim članom 47. stav 2. Zakona, kada naknada plate iznosi 100% od osnovice za naknadu i to:

- Za vrijeme privremene spriječenosti za rad zbog bolesti i komplikacija prouzrokovanih trudnoćom i porođajem,
- Za vrijeme privremene spriječenosti za rad zbog transplantacije živog tkiva i organa u korist drugog lica,

Hercegovačko-neretvanskog kantona

- Za vrijeme privremene spriječenosti za rad zbog povrede na radu ili oboljenja od profesionalne bolesti.

Član 9.

Ukoliko osiguranik radi istovremeno kod dva ili više poslodavaca, naknadu plate osiguraniku isplaćuje svaki poslodavac zasebno, s tim da se osnovica za refundiranje naknade određuje u odnosu na srazmjerni dio sati rada kod svakog poslodavca u odnosu na propisani najniži i najviši iznos naknade plate koja se isplaćuje na teret sredstava Zavoda.

Član 10.

Pravo na refundaciju naknade plate iz člana 1. ove Odluke, pravno odnosno fizičko lice ostvaruje samo po izmirenju svih obaveza u pogledu dospjelih doprinosa za zdravstveno osiguranje.

Izuzetak od stava 1., ovog člana, su slučajevi kada obaveznik osiguranja zaključi sporazum o obročnom plaćanju/dugovanja, u tom slučaju ostvaruje pravo na refundaciju naknade plate po izmirenju obaveza zaključno sa mjesecom za koji se traži refundacija/povrat naknade plate i isti uredno izmiruje u skladu sa otplatnim planom.

III Kontrole privremene spriječenosti za rad

Član 11.

Zavod ima pravo u skladu s odredbama člana 55. Zakona za vrijeme privremene spriječenosti za rad osiguranika, odnosno za vrijeme korištenja prava na naknadu plate, vršiti nadzor.

U slučaju da utvrdi određene nepravilnosti, Zavod će u skladu s utvrđenim odredbama iz ovog Zakona, kao i drugim provedbenim propisima, obustaviti daljnju refundaciju naknade plate za vrijeme privremene spriječenosti za rad na teret Zavoda, o čemu će izvijestiti poslodavca.

Za samostalne djelatnosti kod kojih je prijavljen samo vlasnik, ovlašteno lice Zavoda kontroliše obavlja li se djelatnost za vrijeme privremene spriječenosti za rad.

U slučaju da se utvrdi obavljanje djelatnosti iz stava 3. ovog člana, osiguraniku (vlasniku) se također obustavlja refundacija naknade plate preko 42 dana.

Član 12.

Privremena spriječenost za rad se ne može utvrditi retroaktivno.

Izuzetno od stava 1. ovog člana, privremena spriječenost za rad se može utvrditi retroaktivno u slučaju bolničkog liječenja, ukoliko se osiguranik

javi u roku od tri dana nakon završenog bolničkog liječenja, a na osnovu otpusne liste ili izvještaja zdravstvene ustanove gdje se osiguranik nalazio na liječenju, kao i na prijedlog konzilija doktora odgovarajuće specijalnosti koji daje nalaz, ocjenu i mišljenje o privremenoj spriječenosti za rad.

IV Visina, najviši i najniži iznos naknade plaće na teret Zavoda

Član 13.

Najviši iznos naknade plate koja se isplaćuje na teret sredstava Zavoda, utvrđuje se u visini jedne prosječne neto plate u Federaciji BiH, utvrđene za razdoblje od I-IX mjeseci iz prethodne kalendarske godine.

Iznos naknade iz stava 1. ovog člana podrazumijeva naknadu za puni mjesečni fond sati, mjeseca za koji se traži refundacija.

Član 14.

Najniži iznos naknade plate koja se isplaćuje na teret sredstava Zavoda ne može biti niži od iznosa najniže plate (umanjene za propisane doprinose iz plate) utvrđene važećim Opštim kolektivnim ugovorom na teritoriju Federacije BiH.

Najniža satnica je utvrđena važećim Opštim kolektivnim ugovorom Federacije BiH.

Izuzeci od stava 1. ovog člana su plate osiguranika čija je osnovica definirana u članu 6. ovog Pravilnika i kada je ista niža od najniže plate iz stava 1.i 2. ovog člana.

V Propisana dokumentacija za refundaciju naknade plate i formalna, suštinska i medicinska kontrola iste

Član 15.

Zahtjev za povrat isplaćene naknade plate za vrijeme privremene spriječenosti za rad podnosi poslodavac u nadležni Područni ured Zavoda prema mjestu prebivališta osiguranika.

Uz propisani zahtjev na tiskanici RB 1, podnositelj je obavezan priložiti sljedeću dokumentaciju:

- Original obrazac – Izvještaj o privremenoj spriječenosti za rad (doznaka za bolovanje), uredno popunjena i ovjerena pečatom u svim predviđenim rubrikama,
- Obrazac NOM-1 i NOM-PLP original, uredno popunjen i ovjeren pečatom u svim predviđenim rubrikama,
- Platnu listu osiguranika (original ili ovjerena kopija od strane pravnog subjekta podnositelja)

Hercegovačko-neretvanskog kantona

s cjelovitim podacima (bruto, neto plata, obračunati doprinosi iz i na platu i porez na dohodak) za mjesec koji je prethodio mjesecu u kojem je nastupila privremena spriječenost za rad,

- Ukoliko osiguranik nije ostvario platu prije nastupanja bolovanja, dostavlja se posljednji statistički podatak o visini ostvarene prosječne plate u HNK,
- Platnu lista osiguranika (original ili ovjerena kopija) s cjelovitim podacima za mjesec za koji se traži refundiranje naknade plate,
- Obrasce 2001,2001-A, 2002., zavisno od vrste obaveznika i MIP 1023 i 1024 (ukoliko se MIP podnosi u elektronskoj formi treba sadržavati i ovjeru pečatom i potpisom poslodavca), a sve u skladu sa Pravilnikom o primjeni Zakona o Porezu na dohodak FBiH, te izmjenama i dopunama Pravilnika o primjeni Zakona o porezu na dohodak FBiH, ovjereno od strane porezne uprave, iz kojih su vidljivi podaci o isplaćenim platama i uplaćenim doprinosima, za poslodavca i lice za koje se traži refundacija bolovanja, za odnosni mjesec,
- Rješenje Federalnog Zavoda PIO/MIO -Nalaz, ocjenu i mišljenje Instituta za medicinsko vještačenje, ukoliko je osiguranik cijenjen od strane Instituta.

U nadležnom Područnom uredu Zavoda vrši se prijem zahtjeva iz stava 1. ovog člana i postupa dalje u skladu sa utvrđenim procedurama.

VI Prelazne i završne odredbe

Član 16.

Ovaj Pravilnik stupa na snagu osmog dana od dana objavljivanja u „Službenim novinama Hercegovačko-neretvanske kantona”.

Član 17.

Danom stupanja na snagu ovog Pravilnika prestaje važiti Odluka o osnovici, visini naknade plate i najvišem i najnižem iznosu naknade plate koja se isplaćuje na teret Zavoda zdravstvenog osiguranja Hercegovačko-neretvanske kantona, broj U.O.-11131/13 od 19.12.2013. godine i Odluka o dopuni Odluke o osnovici, visini naknade plate i najvišem iznosu naknade plate koja se isplaćuje na teret Zavoda zdravstvenog osiguranja Hercegovačko-neretvanske kantona, broj: U.O.-02-6272/15 od 30.07.2015. godine.

Bosna i Hercegovina
Federacija Bosne i Hercegovine
Hercegovačko-neretvanski kanton

Zavod zdravstvenog osiguranja HNK
Upravni odbor

Mostar, 20.12.2016. godine
Broj: U.O.-02-13-1-2-16371/16

Predsjednik Upravnog odbora
prim.dr. Zijad Šetka,s.r.

OGLASI**OPĆINSKI SUD U MOSTARU**

Broj: 58 0 P 172202 15 P

Mostar, 13.01.2017.godine

Općinski sud u Mostaru po sudiji Boškailo-Veledar Medihi u pravnoj stvari tužitelja Drago Kulidžan zastupan po punomoćniku Nikica Vučina advokat iz Mostara, protiv tuženih Sava Kulidžan, Savo Kulidžan, Stanko Kulidžan, Danica Kulidžan, Milojka Kačić, rođena Kulidžan, Milan Kulidžan i Nedo Kulidžan, radi utvrđenja i uknjižbe VSP 9.500,00 KM dana 13.01.2017.godine, objavljuje

OGLAS**O postavljanju privremenog zastupnika**

Tuženim nepoznatog boravišta Sava Kulidžan, Savo Kulidžan i Stanko Kulidžan postavlja se privremeni zastupnik Puljić Mladenka advokat iz Mostara, obzirom da su ovi tuženi nepoznatog boravišta a nemaju punomoćnika, te jer bi postupak postavljanja zakonskog zastupnika trajao dugo tako da bi za stranke mogle nastati štetne posljedice.

Privremeni zastupnik u ovom postupku ima sva prava i dužnosti zakonskog zastupnika. Ta prava i dužnosti privremeni zastupnik će vršiti sve dok se tuženi ili njihov punomoćnik ne pojave pred sudom, odnosno dok organ starateljstva ne obavijesti sud da je postavio staraoca.

Sudija
Mediha Boškailo-Veledar

OPĆINSKI SUD U MOSTARU

Broj: 58 0 P 177 206 16 P

Mostar, 31.01.2017.godine

Općinski sud u Mostaru, po sudiji Harisu Hakaloviću, u pravnoj stvari tužitelja Mirsada Čatić, zastupan po punomoćniku Nikici Vučina, advokatu iz Mostara, protiv tuženih Jusufbega Velagić i drugi, radi utvrđenja i uknjižbe vsp 38 050,00 KM, dana 31.01.2017.godine, donio je

OGLAS**o postavljanju privremenog zastupnika**

Rješenjem ovog suda od 31.01.2017.godine a na osnovu člana 296. St.2. t.4. Zakona o parničnom postupku, Gordan Stojić advokat iz Mostara,

postavljen je za privremenog zastupnika tuženim Jusufbegu Velagić, sin H. Alibega, Hafizi Velagić udova Saliha, Sabriji Ridžanović kći Ahmeta, Mustafi Ridžanović sinu Ahmeta, Muzaferu Ridžanović sinu Ahmeta, Asiji Belilović rođ. Ridžanović kći Ahmeta, Sabiri Velagić rođ. Ridžanović kći Ahmeta, Muhamedu-Sabriji Ridžanović sinu H. Ahmeta i Zibi Velagić kći Veli-ef, nepoznatog boravišta.

Istim rješenjem određeno je da će privremeni zastupnik zastupati tužene u postupku sve dok se oni ili njihov punomoćnik ne pojave pred sudom odnosno dok organ starateljstva ne obavijesti sud da im je postavio posebnog staraoca.

Sudija
Haris Hakalović

OPĆINSKI SUD U MOSTARU

Broj: 07 58 P 900 879 04 P

Mostar, 27.01.2017.godine

Općinski sud u Mostaru, sudija Merima Čatić pravnoj stvari tužiteljice Milka Lovrić rođ. Zelenika, Široki Brijeg, Uzarići 192, zastupana po punomoćnicima Miri Kebo, Semiru Guzin, Azeri Guzin i Anelu Droce, advokatima iz ZAK Kebo i Guzin, iz Mostara, protiv tuženih Đorđe Karadeglija i dr. 24. radi utvrđenja i uknjižbe VSP: 11.000,00 KM, dana 27.01.2017. godine

OGLAS**O postavljanju privremenog zastupnika**

Rješenjem ovog suda od 27.01.2017.godine tuženim nepoznatog boravišta 1. Đorđe Karadeglija pok. Spasoja, 9. Sreten Karadeglija pok. Petra, 11. Dušanka Pudar rođ. Medan kći Mihajla, 12. Radojka Radan rođ. Medan kći Mihajla, 21. Milena Karadeglija udova Radovana, 22. Zoran Karadeglija um. Radovana, 23. Predrag Karadeglija sin Ljube, 24. Mile Karadeglija pok. Riste i 25. Aleksa Karadeglija pok. Riste, u ovom postupku postavlja se privremeni zastupnik u ličnosti Semir Kajtaž, advokat iz Mostara.

Istim rješenjem određeno je da će privremeni zastupnik zastupati tuženog u postupku sve dok se on, ili njegov punomoćnik ne pojavi pred sudom, odnosno dok organ starateljstva ne obavijesti sud da mu je postavio posebnog zastupnika.

Sudija
Merima Čatić